

▲ 题图 清 金农 《人物山水图》册第十开·荷花开了

本期主持：Patrick

01

念奴嬌·自述

策勳萬里，笑書生骨相，有誰相許？
壯志平生還自負，羞比紛紛兒女。
酒發雄談，劍增奇氣，詩吐驚人語。
風雲無便，未容黃鵠輕舉。

何事匹馬塵埃，東西南北，十載猶羈旅？
只恐陳登容易笑，負卻故園雞黍。
笛裡關山，樽前日月，回首空凝佇。
吾今未老，不須清淚如雨。

Credit to CC

02

短歌行

置酒高臺，樂極哀來。
人生處世，能幾何哉。

日西月東，百齡易終。
可嗟仲尼，不見周公。
鼓絲拊石，以永今日。
歡以別虧，憂因會釋。
燕鴻載鳴，蘭無故榮。
子如不樂，白髮其盈。
執子之手，以酌我酒。
式詠《短歌》，爰祝長壽。

Credit to CC

03

摸魚兒·自適

近年稍諳時事，傍人休笑頭縮。
賭棋幾局輸贏注，正似世情翻覆。
思算熟。向前去、不如退後無羞辱。
三般檢束。莫恃微才，莫誇高論，莫趁閑追逐。
雖都道，富貴人之所欲。天曾付幾多福。
倘來入手還須做，底用看人眉目。
聊自足。見放著、有田可種，有書堪讀。
村醪且漉。這後段行藏，從天發付，何須問龜卜。

Credit to Yolanda

04

姑蘇雜詠甫裡（用直）即事四首 其一

長橋短橋楊柳，前浦後浦荷花。
人看旗出酒市，鷗送船歸釣家。
風波欲起不起，煙日將斜未斜。
絕勝茗中剡曲，金齏玉鱠堪誇。

Credit to Patrick

05

子夜四時歌

紅妝何草草，晚出南湖道。
不忍便回舟，荷花似郎好。

Credit to CC

06

姑蘇雜詠師子林十二詠 臥雲室

夕臥白雲合，朝起白雲開。
惟有心長在，不隨雲去來。

Credit to CC

07

初夏江村

輕衣軟履步江沙，樹暗前村定幾家。
水滿乳鳧翻藕葉，風疏飛燕拂桐花。
渡頭正見橫漁艇，林外時聞響緯車。
最是黃梅時節近，雨余歸路有鳴蛙。

Credit to Patrick & Sachi

08

賦得蟬送別

疏槐細柳中，涼占一枝風。
蛻出形猶弱，驚飛響未終。
雨來林館靜，日下驛門空。
離管尊前發，淒涼調正同。

Credit to Yolanda

特别感谢Patrick提名，Patrick、CC、Yolanda、Yougeng、Ruby参与选诗。